



趣味歌、數字歌

一年仔控控

一年仔控控，二年仔孫悟空，
三年仔吐劍光，四年仔愛膨風，
五年仔上帝公，六年仔閻羅王，閻羅王

十二生肖相

一鼠，賊仔名，二牛，駛犁兄，
三虎，爬山崎，四兔，遊東京，
五龍，皇帝命，六蛇，互人驚，
七馬，跑兵營，八羊，食草嶺，
九猴，爬樹頭，十雞，啼三聲，
十一狗，吠契兄，十二豬，菜刀命





趣味歌、數字歌

放雞鴨

一放雞，二放鴨，三分開，四做堆，五搭胸，
六拍手、七圍牆，八摸鼻，九揪耳，十拏起。

ABC 狗咬豬

ABC 狗咬豬，阿公仔坐飛機，
跋一下冷支支。

叫醫生，來甲伊醫，醫一下跔骨大小支，
醫一下跔骨大小支。





趣味歌、數字歌

大箍呆

大箍呆哎喲白目眉，無人請你就家己來。
來來大箍呆炒韭菜，燒燒一碗來，冷冷阮無愛。
大箍呆炒韭菜，燒燒一碗來，冷冷阮無愛。
大箍呆，到今你才知，到今你才知。

貧憚仙

一天過了又一天，身軀無洗全全銼，
走去溪仔洗三遍，毒死烏魚數萬千。

秀才騎馬弄弄來

秀才秀才騎馬弄弄來，
佇馬頂跋落來，跋一下真厲害。
喙齒疼，糊下頷。
目睷疼，糊目眉。
腹肚疼，糊肚臍。
嘿真厲害。

